

Ar te hian chin tha lo tak tak an lo nei ve treuh mai a. A tir atanga tih rem nghal vat loh pheichuan alo rei hnuah tih rem a harsa in Ar vulhtu tan harsatna leh hlohna nasa tak a thlen thin. Ar chin tha lo langsar leh pawimawh zualte ilo sawi ila:-

1. Cannibalism:

Cannibalism kan tih chu Ar rual thenkhatin an awmpui Ar dang an va sual/chukrawn a, asa an eisak a, hliam natak an siamsak hi a ni a, thenkhat pheichu damchhuak zo lovin an thihpui thin. Ar mawng/ngum in chuk sak hi ar tui tam chi (layer) ah hian a awm duh bik hle a. Ar in he chin thalo hi an tih tawh chuan ar dangte pawhin an lo ching a, ar tam takin an thih phah a, Ar vulhtu tan hlohna nasa tak a thlen thin. Chuvangin Ar vulhtu ten he chin thalo hi an Ar vulhten an chin loh nan ngun takin an vil tur ani a, a chhan chu he chinthalo hi an chin tawh chuan a tih reh mai mai theih tawh loh ani. Ar in hliam natak an neih a, an thihpui phah emaw thihpui phah loh pawh ni se, anmahni ah hrisel lohna/damlohna dang aneih loh chuan cannibalism vang ani thin.




Cannibalism lo awm chhan tlangpuite:

- ✓ Ar In ah Ar dah tawt lutuk vang in an duh angin an che vel (exercise) thei lova, an lo nguai in he chinthalo hi an chin phah thin.

- ✓ Cannibalism hi Ar chi (breed) thenkhatah hluar bik a awm.
- ✓ Arpui tui laiin atui lian lutuk vanga atui dawn a a mawng velah hliam aneihin Ar dang a hip thin. Ar dangin thisen/tisa an lo ei tawh chuan chin dawklak ah an neih phah thin.
- ✓ Ar in Protein a tlakchhamin emaw chaw an kham loh nasatin emaw an chaw ah vaimim lam pang chi a tam lutukin a awm thei bawk.
- ✓ Arginine leh methionine an tlakchhamin a awm thei bawk.
- ✓ Thenkhat chuan Ar in chi lam leh minerals an tlakchham in a awm bawk thin niin an sawi.
- ✓ Ar hmul tla nasa ah leh an taksa atanga hrik seh avanga thisen a chhuahin a wm duh bawk
- ✓ Ar insual avanga thisen a chhuahin a awm thei bawk.

Aven dan:

- ✓ A vendan awlsam ber leh lar ber pakhat chu Ar hmui tan sak ani.
- ✓ Ar hmui tan hi manual in (nail cutter etc) hmangin emaw ar hmui tanna khawl hmangin a tansak theih a. Ar hmui chunglam hmun 3 a thena hmun khat leh a hmui hnuailam a hmawr zum lai tlem tan tur.
- ✓ Ar hmui tan hi Ar note ni 1 - kar 6 inkar a upa annih in a tan theih a. A tul dan a zirin kar 16 an nihin a tansak nawn leh theih.



- ✓ Tun hnaiah pheichuan ar tui tam chi vulhtan chuan ar hmui tan hi tih ngei ngei tur ani.
- ✓ Ar cannibalism a inhnawh zawng zawng te chu dah hran tur an ni.
- ✓ Ar inhliam te pawh dah hran a, an hliam enkawl damsak pawt tur ani.
- ✓ Margosa oil hi Ar inhliam enkawl nan atha hle.
- ✓ Ar Inah tawt lutukin dah loh tur.
- ✓ Ar chaw leh tuite an kham khawp pek thin tur.
- ✓ Artui bawm chu hmun kilkhawr deuh, ar dangin an chim buai theih lohna deuh turah dah tur ani a, artui laia an mawng vung leh hliam palhah cannibalism a awm duh
- ✓ Artuina bula electric bulb sen dah hian harsatna tamtak a ti tlem/veng thei bawk.
- ✓ Ar chaw a sa hel pek hian a veng thei bawk a. Sa hel pek tur a awm loh chuan an chaw sangha dip (fish meal) pek tam atha
- ✓ Vitamin, minerals leh chi te an chaw ah an mamawh ang tawk pek zel tur.
- ✓ Ar chaw a methionine pek tam hian a veng thei bawk.

2. Artui ei (Egg eating):

- ✓ Artui lain anmahni tui an ei emaw ar dangin eisak.
- ✓ An tui an ei hrat tawh chuan tih reh a harsa tawh hle.
- ✓ A lo awm chhan chu artui khi emaw, artui a keh palh vang emaw in an lo ei palh tawh chuan chin dawklakah an nei a, antui thalai pawh an tikeh a, an ei mai thin.
- ✓ Artui khi/ keh hi a awm chhan chu artui heng a pan emaw dup vang emaw ar tuina bawm ah a phah a dup/tam tawk loh vangte ani thei.
- ✓ Artui bawm atanga artui lak vat loha dah reng vangte pawhin an lo ei ami thin



A ven dan:

- ✓ Ar artui ei hrat chu dah hran nghal tur
- ✓ Mi thiamte rawn chungin an mamawh dan azirin chinai lung leh protein an chaw ah pek tam
- ✓ Artui ei thin Ar chu ar In cage system angah emaw antuina an tui zawha artui an chuk phak lohva lum daih thei angah dah tur
- ✓ Ar hmui tan hian a veng/titlem thei bawk
- ✓ Artuina hmun tihthim hian mahni tui ei a titlem bawk

- ✓ Ar tui zawhin antui lak vat vat tur.

3. Mahni tui thukru (egg hiding) :

- ✓ Mahni tui thuhruk hi chu a tlangpuiin Ram Ar ah arpuiin an pianpui ve ani a, kan ar vulh ang chi ah hi chuan an ching ve lem lo. Amaherawhchu, kan Ar vulh ho chhuah zalen a tlattir tawp ah hian an ching ve thin tho bawk.

A ven dan:

- ✓ Ar chu an tlatna hmun tur bik hung vek tur
- ✓ An tuina tur bik Ar In chhungah dahsak in an tui bawmah phuai emaw pawnchhia emaw ar/sava hmul emaw dah sak tur.

4. Pica :

- ✓ Pica chu Ar in anmahni chaw pangngai ni lo, ei tur atana siam ni lo entirnan an hmul te, an chhuat phah leh thil dangte an ei hi a ni.
- ✓ Tunlai Ar In sak tha leh changkangah hi chuan a awm lem lo.
- ✓ Ar in phosphorus tlakchham vangte emaw hrikin a tihbuai vang emaw Ar In chhuat phah thar dah hian ati punlun thei.
- ✓ Ar uluk taka enkawl leh chawtha an taksa mamawh ang tur pek that hian a veng thei.



AR CHIN THA LO LANGSAR LEH PAWIMAWH ZUAL TE (VICES/BAD HABIT OF POULTRY)



Prepared by:

Dr. Lalthazuali
SMS (Animal Science)
Krishi Vigyan Kendra
Lawngtlai District, Lawngtlai
Mizoram-796891